



SOALAN LAZIM (FAQ) MENGENAI OPERASI PENDAFTARAN KOLEJ DAN PROSES KEMBALI KE KOLEJ KEDIAMAN UNIVERSITI TEKNOLOGI MARA CAWANGAN KELANTAN, KAMPUS MACHANG

1. Apakah 6 kategori pelajar yang dibenarkan kembali ke kampus?

6 kategori pelajar yang dibenarkan kembali ke kampus, adalah :

- 1.1.Pelajar program pengajian peringkat sijil, diploma, ijazah sarjana muda dan pasca siswazah yang memerlukan praktikal, makmal, klinikal, latih amal, studio, bengkel dan peralatan khas
- 1.2.Pelajar yang tidak mempunyai akses dan persekitaran tidak kondusif bagi melaksanakan pengajaran dan pembelajaran (pdp) dalam talian
- 1.3.Pelajar asasi atau setara dan diploma yang sedia ada di kampus boleh meneruskan pembelajaran secara hybrid
- 1.4.Pelajar antarabangsa sedia ada dan baharu kecuali dari United Kingdom
- 1.5.Pelajar berkeperluan khas (OKU)
- 1.6.Pelajar yang menduduki peperiksaan Malaysia university english test (muet), Antarabangsa dan badan profesional

2. Adakah saya perlu mendapatkan surat rentas negeri sendiri di balai polis berdekatan atau pihak UiTM akan sediakan surat kebenaran kembali ke kampus?

Bagi mana-mana pelajar yang telah diluluskan permohonan untuk kembali ke kampus tidak perlu mendapat surat kebenaran daripada pihak polis untuk merentas daerah. Berikut itu, dokumen perjalanan bagi merentas daerah adalah mencukupi dengan menggunakan surat daripada uitm untuk melepassi sekatan jalanraya. Pelajar perlu mengisi borang permohonan bagi menjana surat kebenaran melalui sistem saringc19 uitm di <https://saringc19.uitm.edu.my/>. Surat kebenaran akan diemelkan kepada pelajar melalui e-mel yang terdapat dalam portal pelajar.

3. Bilakah tarikh pelajar dibenarkan mendaftar kolej kediaman?

Tarikh pendaftaran kolej kediaman bagi UiTM Cawangan Kelantan, Kampus Machang adalah pada 14 Mac 2021 (Ahad) bagi kategori pelajar berjawatan dan 16 Mac 2021 (Selasa) bagi kategori pelajar bekeperluan khas. Pendaftaran bermula jam 8pagi hingga 4.30 petang.

4. Adakah pihak UiTM menetapkan masa/tempoh untuk pelajar kembali ke kampus? Atau pelajar boleh balik bila-bila masa sebelum kuliah bermula?

Semua pelajar dari semenanjung kecuali pelajar dari borneo perlu patuhi tarikh yang ditetapkan iaitu 14 Mac 2021 dan 16 Mac 2021 bagi Fasa 1. Manakala bagi Fasa 2 akan mendaftar pada 27 Mei 2021. Masa pendaftaran mulai jam 8.00 pagi hingga 4.30 petang.

5. Adakah pelajar dibenarkan untuk mendaftar awal atau lewat seperti Tarikh yang ditetapkan?

Tidak dibenarkan melainkan terdapat masalah kecemasan dan kesihatan. Sila berhubung dengan pihak HEA selepas 16hb Mac 2021.

6. Adakah waris dibenarkan menghantar pelajar pada hari pendaftaran?

Hanya seorang waris sahaja yang dibenarkan hadir bersama pelajar.

1 Kereta : 1 Waris : 1 Pelajar

7. Adakah waris dibenarkan membantu membawa barang pelajar ke dalam kolej kediaman?

Tidak dibenarkan. SOP pendaftaran pelajar UiTM mensyaratkan bahawa waris hanya dibenarkan untuk ‘drop off’ pelajar di lokasi yang dibenarkan sahaja. Pelajar perlu membawa barang ke kolej sendiri.

8. Adakah pelajar yang dibenarkan memasuki kampus perlu tinggal di kolej kediaman?

Pelajar yang diluluskan kembali ke kampus perlu menggunakan perkhidmatan di kolej kediaman kecuali pelajar kategori 1 iaitu **pengajian pascasiswaZah secara penyelidikan**.

9. Adakah pelajar yang memasuki kampus perlu melalui proses pengasingan? Berapakah tempoh pengasingan berkenaan?

Ya. Semua pelajar yang memasuki kampus dan tinggal di kolej perlu melalui proses pengasingan sebagaimana SOP Kementerian Pengajian Tinggi (KPT) selama 10 hari dari tarikh kemasukan pelajar ke kampus.

10. Adakah saya perlu hadir awal dari tarikh kuliah bagi menjalani proses pengasingan?

Ya. Pelajar yang perlu melalui proses pengasingan perlu hadir 10 hari awal sebelum sesi kuliah bermula.

11. Adakah pelajar yang melalui proses pengasingan dibenarkan keluar dari bilik kediaman?

Pelajar hanya dibenarkan keluar untuk menguruskan keperluan penting sahaja seperti mengambil makanan dan urusan membersih pakaian. Pelajar tidak dibenarkan keluar dari kawasan kolej isolasi sepanjang tempoh 10 hari isolasi.

12. Jika pelajar yang melalui proses pengasingan didapati melanggar syarat dan/atau SOP, apakah tindakan yang dikenakan?

Jika pelajar didapati melanggar syarat dan/atau SOP yang ditetapkan, jika disabitkan kesalahan boleh dijatuhkan tindakan di bawah Akta 174: Kaedah - kaedah institusi pelajaran (tatatertib pelajar) 1976

13. Bagaimana proses pendaftaran kolej dijalankan?

Semua pelajar yang diluluskan kembali ke kampus perlu melalui proses pendaftaran kolej secara walk in pada tarikh pendaftaran yang ditetapkan mengikut SOP terkini.

14. Adakah apa-apa peraturan atau SOP pendaftaran /penempatan yang perlu dipatuhi?

Pelajar perlu patuhi **Prosedur Operasi Seragam (SOP) Di Kolej Kediaman Sepanjang Tempoh Normal Baharu** dan lain-lain peraturan / arahan yang berkuatkuasa

15. Bolehkah saya wakilkan kawan untuk daftar kolej bagi pihak saya?

Tidak boleh. Pelajar perlu hadir secara fizikal semasa pendaftaran.

16. Adakah pelajar dibenarkan memilih rakan sebilik selepas tempoh isolasi?

Pihak Kolej akan uruskan google form untuk di isi semasa tempoh isolasi. Sila pastikan pemilihan rakan sebilik mengikut kapasiti bilik di kolej berkenaan.

17. Adakah pelajar siswa dibenarkan keluar untuk solat jumaat sepanjang isolasi dan selepas isolasi?

Di atas faktor keselamatan kesihatan, sepanjang isolasi pelajar tidak dibenarkan keluar dari kampus termasuk menunaikan solat jumaat. Selepas proses isolasi, kebenaran menunaikan solat jumaat bergantung kepada arahan semasa kerajaan negeri dan pengurusan kampus.

18. Adakah saya dibolehkan membawa masuk kenderaan saya ke kawasan kolej?

Kebenaran membawa masuk kenderaan ke kawasan kolej hanya di atas pertimbangan dan kelulusan oleh Timbalan Rektor Hal Ehwal Pelajar.

19. Saya akan balik menggunakan pengangkutan awam. Adakah kenderaan e-hailing dibenarkan?

Atas budi bicara dan keprihatinan pihak pengurusan kampus UiTM Cawangan Kelantan dan memikirkan situasi serta kondisi barang pelajar, kenderaan *e-hailing* dibenarkan masuk ke dalam kampus dengan mengikuti SOP Pendaftaran Pelajar. Sekiranya hadir ke kampus dengan bas, van akan disediakan di pos utama Polis Bantuan untuk membawa masuk pelajar ke kolej kediaman.

20. Sekiranya saya masih kekurangan barang peribadi. Adakah saya boleh keluar membeli barang selepas saya mendaftar kolej?

Pelajar **tidak dibenarkan** keluar dari kampus selepas mendaftar kolej. Hanya waris pelajar sahaja yang dibenarkan keluar untuk membeli barang yang masih tidak mencukupi dan menghantar barang berkenaan kepada pelajar di kolej kediaman (hari pendaftaran sahaja)

21. Adakah pelajar yang menginap di kolej kediaman dibenarkan keluar dari kampus untuk membeli barang keperluan?

Atas faktor keselamatan dan kesihatan, pelajar yang mendiami di kolej kediaman tidak dibenarkan keluar dari kampus. Barang keperluan boleh dibeli dari kedai koperasi yang beroperasi dalam kampus atau boleh membuat pembelian secara atas talian / food panda dan sebagainya selepas tempoh isolasi

22. Adakah pihak UiTM akan dapatkan surat rentas negeri atau surat kebenaran bagi membolehkan saya pulang ke rumah/kampung semasa cuti pertengahan semester?

Bergantung kepada situasi semasa dan arahan kerajaan serta pengurusan kampus. Pihak Jawatankuasa Operasi Bencana Negeri (JOBN) akan memberi pemakluman dari masa ke semasa

* Sebarang perubahan tertakluk kepada arahan terkini kerajaan dan pengurusan UiTM *

DISEDIAKAN OLEH

UNIT PENGURUSAN KOLEJ & NON RESIDEN UiTM CAWANGAN KELANTAN